



Icyegeranyo cy'amakuru y'imikino yaranze icyumweru

2023

Taliki 01-06 Ukuboza



P.1 Kung Fu Wushu : Hatangijwe umushinga ugamije kugeza uyu mukino mu mashuri

Ijambo ry'ibanze

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'Imikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigitimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

Ibirimo

- P1 **Kung Fu Wushu** : Hatangijwe umushinga ugamije kugeza uyu mukino mu mashuri
- P2 **Cricket** : Uganda na Namibia zabonye itike y'igikombe cy'Isi
- P2 **Wheelchair Basketball** : Kicukiro na Gasabo zegukanye irushanwa ryo kwizihiza Umunsi w'Abafite Ubumuga
- P3 **Football** : Habaye imikino y'umunsi wa 13 wa shampiyona
- P3 Abana 599 ni bo bitabiriye ibirori byo gushaka impano mu mikino itandukanye
- P4 Hatangajwe bamwe mu banyabigwi bazitabira igikombe cy'Isi cy'abakanyujijeho muri 2024
- P5 Habaye inama ihuza abanyamabanga bakuru b'amashyirahamwe n'ingaga za siporo
- P5 **Athletics** : Mutabazi na Imanizabayo begukanye "National Cross Country Championship 2023"

Taliki 01 Ukuboza 2023, mu rwego rwo guteza imbere no kumenyekanisha umukino wa Kung Fu Wushu mu Rwanda, ishyingirahamwe nyarwanda ry'uyu mukino "RKWF" ku bufatanye na Ambasade y'u Bushinwa mu Rwanda, hatangijwe umushinga wo guteza imbere uyu mukino binyuze mu mashuri.

Iyi gahunda "Imbarutso Project- Kungfu in Schools" yatangirijwe mu ishuri ribanza EP Intwali rihereye i Nyamirambo ikaba izakomereza no mu yandi mashuri mu bice bitandukanye by'igihugu.

Ubuyobozi bwa RKWF bwemeye inkunga yo gufasha abana 100 batishoboye babarihira amafaranga atuma bafatira amafunguro ku ishuri "School Feeding".

Ubwo hatangizwaga iki gikorwa habaye imyiyereko y'umukino wa Kung Fu Wushu yari irimo abakinnyi basanzwe bakina uyu mukino ndetse n'abana biga muri EP Intwali.

Iki gikorwa cyitabiriwe n'abantu batandukanye barimo Umujyanama wa Ambasaderi w'u Bushinwa mu Rwanda, Sun Chenguang, Perezida wa RKWF, Uwiragiye Marc, Umuyobozi wa EP Intwali, Sengabo Ayubu ndetse n'abarimu bo muri EP Intwali.

Iri shuri rya EP Intwali ryashinzwe mu 1957, kuri ubu higa abanyeshuri bose hamwe 2473.

Nyuma yo gutangiza uyu mukino muri EP Intwali, ubuyobozi bwa RKWF butangaza ko hazakurikiraho ishuri "Irerero Academy" rihereye ku Ruyenzi mu Karere ka Kamonyi nyuma gahunda ikazakomereza no mu yandi mashuri mu bice bitandukanye by'igihugu aho intego ari uko umwaka wa 2024 uzarangira iyi gahunda igeze mu bigo by'amashuri 8.



2 Cricket : Uganda na Namibia zabonye itike y'igikombe cy'Isi

Kuva taliki 22 kugeza 30 Ugushyirye 2023, muri Namibia habereye irushanwa ryo gushaka itike y'igikombe cy'Isi mu mukino wa Cricket mu bagabo " ICC Men's T20 World Cup Africa Qualifier Regional Final 2023".

Iyi mikino yo gushaka itike yari yitabiriwe n'amakipe 7 ariyo u Rwanda, Kenya, Nigeria, Tanzania, Uganda, Zimbabwe na Namibia.

Aya makipe yakinye hagati yayo maze ikipe ya Namibia isoreza ku mwanya wa mbere n'amanota 12 aho yatsinze imikino yayo yose, Uganda iba iya kabiri n'amanota 10. Ku mwanya wa 3 haje Zimbabwe n'amanota 8, ku mwanya wa 4 haza Kenya n'amanota 6, Nigeria iba iya 5 n'amanota 3, Tanzania iba iya 6 n'amanota 2 naho u Rwanda rusoreza ku mwanya wa nyuma wa 7 n'nota rimwe.

Points table

Pos	Team	Pld	W	L	NR	Pts	NRR	Qualification
1	Namibia	6	6	0	0	12	2.658	Qualified for the 2024 ICC Men's T20 World Cup
2	Uganda	6	5	1	0	10	1.334	
3	Zimbabwe	6	4	2	0	8	2.922	
4	Kenya	6	3	3	0	6	-0.911	
5	Nigeria	6	1	4	1	3	-1.026	
6	Tanzania	6	1	5	0	2	-1.507	
7	Rwanda	6	0	5	1	1	-4.303	

Ikipe ya Namibia na Uganda ni zo zabonye itike ya nyuma y'igikombe cy'Isi "ICC Men's T20 World Cup 2024" izabera muri USA na West Indies kuva taliki 04 kugeza 30 Kamena 2024.

Aya makipe yombi ni yo yahise yuzuza urutonde rw'amakipe 20 azakina iyi mikino ya nyuma ari yo USA, West Indies, Australia, England, India, Netherlands, New Zealand, Pakistan, South Africa, Sri Lanka, Afghanistan, Bangladesh, Ireland, Scotland, Papua New Guinea, Canada, Nepal, Oman, Namibia na Uganda.



ICC MEN'S T20WC 2024 USA & WEST INDIES

2024 LINE-UP

2023 T20WC TOP 8 FINISH

- AUSTRALIA
- ENGLAND
- INDIA
- NETHERLANDS
- NEW ZEALAND
- PAKISTAN
- SOUTH AFRICA
- SRI LANKA

AMERICAS QUALIFIER

- CANADA
- ASIA QUALIFIER
- NEPAL
- OMAN
- EAST ASIA-PACIFIC QUALIFIER
- PAPUA NEW GUINEA
- EUROPE QUALIFIER
- IRELAND
- SCOTLAND
- AFRICA QUALIFIER
- NAMIBIA
- UGANDA

NEXT BEST ON T20I RANKINGS

- AFGHANISTAN
- BANGLADESH



Wheelchair Basketball : Kicukiro na Gasabo zegukanye irushanwa ryo kwizihiza Umunsi w'Abafite Ubumuga

Taliki 02 Ukuboza 2023 muri STECOL mu Karere ka Gasabo habereye irushanwa ry'umukino wa Basketball mu bantu bafite ubumuga "Wheelchair Basketball" ryari ryateguwe mu rwego rwo kwizihiza Umunsi Mpuzamahanga w'Abantu bafite Ubumuga "International Day Of Persons With Disabilities 2023" wabaye taliki 03 Ukuboza 2023.

Ikipe ya Kicukiro mu bagabo ni yo yegukanye igikombe itsinze Eagles amanota 6-2 naho ikipe ya Gasabo mu bagore yegukana igikombe itsinze ikipe ya Kicukiro amanota 6-4.



3 Football : Habaye imikino y'umunsi wa 13 wa shampiyona

Taliki 05 na 06 Ukuboza 2023 habaye imikino y'umunsi wa 13 wa shampiyona y'icyiciro cya mbere mu mupira w'amaguru mu bagabo. Imikino y'umunsi wa 14 biteganyijwe ko izaba taliki 08 na 09 Ukuboza 2023.

Uko imikino yagenze



MATCHDAY 13		
TUE, 5TH. DEC. 2023		
	4-2	
	0-2	
	0-2	
	3-2	
	0-0	
WED, 6TH. DEC. 2023		
	4-1	
	4-2	
	2-0	

POS	CLUB	PG	GD	PTS
1	APR	13	+9	27
2	RAYON SPORTS	13	+11	26
3	MUSANZE	13	+9	26
4	POLICE	13	+5	25
5	MUKURA	13	0	20
6	MARINE	13	0	18
7	GASOGI UNITED	13	0	18
8	AMAGAJU	13	+1	17
9	KIYOVU	13	-1	17
10	GORILLA	13	-2	15
11	MUHAZI UNITED	13	-4	14
12	ETINCELLES	13	-8	14
13	SUNRISE	13	-6	13
14	BUGESERA	13	+2	12
15	AS KIGALI	13	-6	11
16	ETOILE DE L'EST	13	-10	10

MATCHDAY 13

Abana 599 ni bo bitabiriye ibirori byo gushaka impano mu mikino itandukanye

Taliki 02 na 03 Ukuboza 2023 mu Karere ka Huye habereye ibirori byo gushaka impano mu mikino itandukanye "National Talent Day 2023". Iki gikorwa kiri muri gahunda "Isonga-AFD", umushinga wa Leta y'u Rwanda binyuze muri Minisiteri ya Siporo "MINISPORTS", ku bufatanye n'ikigega cy'Abafaransa cy'Iterambere "AFD_France".

Iki gikorwa cyitabiriwe n'abana 599 mu bahungu n'abakobwa bari baturutse mu mashuri atandukanye bakaba barahatanye mu mikino 6 irimo Basketball, Football, Cycling, Handball, Athletics na Volleyball.

Iyi gahunda ya "Isonga-AFD" yatangiye mu bigo by'amashuri 17 ari byo GS Kabare, GS St Aloys, Kiziguro SS, GS ADEGI, ES Nyamirama, IPM Mukarange, GS St Joseph Kabgayi, Collège Christ Roi Nyanza, GSO Butare, ENDP Karubanda, ES Kigoma, ISF Nyamasheke, GS Birambo, Collège de Gisenyi, Lycée de Kigali, GS Nyirangarama na GS de la Sale Gicumbi.



Hatangajwe bamwe mu banyabigwi bazitabira igikombe cy'Isi cy'abakanyujijeho muri 2024

Taliki 30 Ugushyngiro 2023, muri Serena Hotel habaye umuhango wo gutangaza bamwe mu banyabigwi 30 mu 150 bazitabira imikino y'igikombe cy'Isi cy'abakanyujijeho "Veteran World Cup Championship 2024".

Iyi mikino y'igikombe cy'Isi igiye kuba ku nshuro ya mbere izabera i Kigali mu Rwanda kuva taliki 01 kugeza 10 Nzeri 2024.

Bamwe mu banyabigwi batangajwe ko bazitabira harimo Ronaldo de Assis Moreira "Ronaldinho" ukomoka muri Brazil akaba yarakiniye amakipe akomeye i Burayi nka FC Barcelone muri Espagne, PSG mu Bufaransa na Milan AC mu Butaliyani.

Mu bandi batangajwe harimo Maicon Douglas (Brazil), Tsuneyasu Miyamoto (Japan), Andrew Cole (England), Patrice Evra (France), Emmanuel Eboué (Cote d'Ivoire), Mohamed Mwameja (Tanzania), Juma Mossi (Burundi), Jomo Sono (South Africa), Karera Hassan (Rwanda). Abandi ni Laura Georges (France), Louis Saha (France), Amanda Dlamini (South Africa), Bacary Sagna (France), Gaizka Mendieta (Spain), Miguela Pauleta (Portugal), Robert Pirès (France), José Edmilson (Brazil), Jay-Jay Okocha (Nigeria), Edgar Davids (Netherlands), Roger Milla (Cameroun), Kalusha Bwalya (Zambia), Anthony Baffoe (Ghana), Jimmy Gatete (Rwanda), Sonny Anderson (Brazil), Patrick Mboma (Cameroun), Maxwell Cabelino (Brazil) na Wael Gomaa (Egypt).

Biteganyijwe ko urundi rutonde rw'abanyabigwi bazitabira iri rushanwa ruzatangazwa muri Gashyantare na Gicurasi 2024.

Taliki 05 Ukuboza 2023, Perezida wa VCWC, Fred Siewe yashyikirije Minisitiri wa Siporo "MINISPORTS", Munyangaju Aurora Mimosa umwambaro wa Ronaldinho ndetse n'umwambaro amakipe y'abakanyujijeho azambara wa Roger Milla wo muri Cameroun akaba ari impano aba banyabigwi bageneye Perezida w'u Rwanda, Paul Kagame.



5 Habaye inama ihuza abanyamabanga bakuru b'amashyirahamwe n'ingaga za siporo

Taliki 02 Ukuboza 2023 ku cyicaro cya Komite Olempike y'u Rwanda "RNOSC" i Remera habereye inama yahuje abanyamabanga bakuru b'amashyirahamwe n'ingaga za siporo.

Iyi nama yari ibaye ku nshuro ya mbere yari igamije gushakira hamwe ibisubizo by'igihe kirekire byateza imbere imikino mu Rwanda.

Abitabiriye iyi nama bagera kuri 35 barebeye hamwe imiterere n'incamake y'amateka ya Siporo y'u Rwanda ndetse barebera hamwe akamaro n'inshingano z'abanyamabanga bakuru, uko bihuzwa n'uburyo bishyirwa mu bikorwa.

Zimwe mu mbogamizi zagaragajwe n'abitabiriye iyi nama harimo kutagira ubumenyi buhagije ku nzego z'ingenzi ziba zigize ishishyirahamwe ndetse n'imikoreshereze y'ikoranabuhanga mu bikorwa bya buri muni.



Athletics : Mutabazi na Imanizabayo begukanye "National Cross Country Championship 2023"

Taliki 02 Ukuboza 2023 muri IPRC Kigali mu Karere ka Kicukiro habereye irushanwa ryo gusiganwa ku maguru mu nzira igoye "National Cross Country Championship 2023".

Iri siganwa ryateguwe n'ishyirahamwe ry'imikino ngororamubiri mu Rwanda "RAF" ryari ryitabiriwe n'abakinnyi 387 bari baturutse mu makipe 13 y'imbere mu gihugu ari yo APR AC, Police AC, Rwamagana AC, Sina Gerald AC, UR Huye AC, Nyaruguru AC, Rutsiro AC, Kavumu AC, Kamonyi AC, Vision JN AC, Nyamasheke AC, Huye AC na Muhanga AC . Aba bakinnyi basiganwe muri kilometero 4, 6, 8 na 10.

Mu bagabo, Mutabazi Emmanuel ukinira ikipe ya Police AC na Imanizabayo Emeline ukinira Sina Gerald AC mu bagore ni bo bitwaye neza mu gusiganwa kilometero 10. Mutabazi yakoresheje iminota 30, amasegonda 28 n'ibice 13 naho Imanizabayo akoresheje iminota 34, amasegonda 57 n'ibice 38.

Muri kilometero 4 mu bakobwa, uwa mbere yabaye Niyomugena Sandrine ukinira Sina Gerald AC wakoresheje iminota 19 n'amasegonda 44.

Muri kilometero 6, bu bahungu Niyigena Ephrem ukinira Sina Gerald AC yegukanye umwanya wa mbere akoresheje iminota 19 naho mu bakobwa uwa mbere aba Uwitonze Claire nawe ukinira Sina Gerald AC akaba yarakoresheje iminota 19 n'amasegonda 55.

Muri kilometero 8 mu bahungu, Ikizere Samuel ukinira Sina Gerald AC ni we wegukanye umwanya wa mbere aho yakoresheje iminota 24, n'amasegonda 38.

Ikipe ya Sina Gerald AC ni yo yitwaye neza muri rusange mu byiciro byose.

Iri rushanwa rikaba ryarabaye mu rwego rwo gutegura no gushaka abakinnyi batatu mu bahungu n'abakobwa bazaserukira u Rwanda muri shampiyona y'isi "World Cross Country Championships 2024" izabera i Belgrade muri Serbia taliki 30 Werurwe 2024.





RWANDA



**commonwealth
games
RWANDA**

Website: www.olympicrwanda.org

www.olympicrwanda.org/commonwealth

Email: cnosr@olympicrwanda.org |     @RwandaOlympic

Address: Remera–Hallmark Center Building KG 17 Ave